



左氏 四十二

昭 享公四年

服部文庫
117
207
25



117  
207  
25

春秋左傳註疏卷第四十二

昭二年  
盡四年



晉杜氏註

唐孔穎達疏

經二年春晉侯使韓起來聘

夏叔弓如晉叔弓叔老子

秋鄭殺其大夫公孫黑書名惡之薰隧盟子產不討

遂以為卿故書之惡鳥路反書名至書之正義

書名為惡之也往年傳云子皙上大夫也則非卿非

卿則不合書薰隧之盟子皙強與卿列子產不討即

以爲卿故書之

春秋左傳

卷四十二

冬公如晉至河乃復

**註**

弔少姜也晉人辭之故還

詩○少照

反傳  
放此

季孫宿如晉

**註**

致禩服也公實以秋行冬還乃書

○致禩音

遂

馬知其致禩服也傳說此事文正在秋上而經

書在冬知公實以秋行至冬還乃書即書還時日月不復追言秋故文在冬也

傳二年春晉侯使韓宣子來聘

**註**

公即位故

**註**

即位公

故正義曰傳言且告為政而來見則其來非獨為為政故知主為公即位故也襄元年傳曰凡諸侯即位小國朝之大且告為政而來見禮也代趙武為國聘焉是也

政雖盟主而修好同盟故曰禮

○見賢遍反

**註**

趙武代

為政○正義曰五年傳曰韓起之下有趙成中行吳魏舒范鞅知盈則六者三軍之將佐也韓起代趙武將中軍趙成繼父為卿代韓起也

曰周禮盡在魯矣

**註**

易象上下經之象辭魯春秋史

記之策書春秋遵周公之典以序事故曰周禮盡在

魯矣

觀書至王也○正義曰大史之官職掌書籍必有藏書之處若今之祕閣也觀書於大史

氏者氏猶家也就其所司之處觀其書也見易象易象魯無增改故不言魯易象其春秋用周公之法書魯國之事故言魯春秋也魯國寶文王之書遵周公之典故云周禮盡在魯矣文王周公能制此典因見此書而追歎周德吾乃於今日始知周公之德以周公制春秋之法故也與周之所以得王天下之由由文王有聖德能作易象故也此二書晉國亦應有之韓子舊應經見而至魯始歎之乃云今知者因味其

義而善其人非為素不見也

**吾乃今知周公之德與周之所以王**

**也** 易象春秋文王周公之制當此時儒道廢諸國

多闕唯魯備故宣子適魯而說之 ○以王于况反周弘正依字讀說音

悅 易象至魯矣 ○正義曰易有六十四卦分爲上下二篇及孔子又作易傳十篇以翼成之後

世謂孔子所作爲傳謂本文爲經故云上下經也 易文推演爻卦象物而爲之辭故易繫辭云八卦成列

象在其中又云易者象也是故謂之易象孔子述卦下總辭謂之爲象述爻下別辭謂之爲象以其無所

分別故別立二名以辨之其實卦下之語亦是象物爲辭故二者俱爲象也定四年傳稱分魯公以備物

典策所言典策則史官書策之法若發凡言例皆是

周公制之周衰之後諸國典策各違舊章唯魯春秋

遵此周公之典以序時事故云周禮盡在魯矣 ○正義曰易象文王所作

亨

義

春秋周公垂法故杜雙舉釋之云易象春秋文王周

公之所制也易繫辭云易之興也其當殷之末世周

之盛德耶當文王與紂之事耶鄭玄云據此言以易

是文王所作斷可知矣且史傳識緯皆言文王演易

演謂爲其辭以演說之易經必是文王作也但易之

爻辭有箕子之明夷利貞箕子明傷乃在武王之世

文王不得言之又云王用享于岐山又云東鄰殺牛

不如西鄰之禴祭實受其福二者之意皆斥文王若

是文王作經無容自伐其德故先代大儒鄭眾賈逵

等或以爲卦下之象辭文王所作爻下之象辭周公

所作雖復紛競大久無能決當是非杜今雙舉並釋

似同鄭說也然據傳先言易象後言春秋則應先云

周之所以王與周公之德也今傳乃先云周公之德

者易象諸國同有其春秋獨遵周公典法韓子美周

禮在魯故先 **公享之季武子賦縣之卒章** 縣詩大

云周公之德 **雅卒章取文王有四臣故能以縣縣致興盛以晉侯**

比文王以韓子比四輔○四臣大顛闕天散宜生南宮适四輔謂先後奔走疏附

禦 **御** 文王有四臣○正義曰縣詩云予曰有疏附

德宣譽曰奔奏武臣折衝曰禦侮 **韓子賦角弓** 下親上曰疏附相道前後曰先後喻

角弓詩小雅取其兄弟昏姻無胥遠矣言兄弟之國

宜相親**季武子拜曰敢拜子之彌縫敝邑寡君有望**

**矣** 彌縫猶補合也謂以兄弟之義 ○縫扶恭反合如字一音閏

**武子賦節之卒章** 節詩小雅卒章取式訛爾心以

畜萬邦以言晉德可以畜萬邦 ○節才結反徐又 **既**

**享宴于季氏有嘉樹焉宣子譽之** 譽其好也 ○譽音餘

註 譽其好也○正義曰服虔云譽游也宣子游

同 其樹下夏諺曰一游一譽為諸侯度所引夏諺

孟子文也若是游於其下宣子本自無言 **武子曰宿**

**敢不封殖此樹以無忘角弓** 封厚也殖長也 ○長丁丈

反 **遂賦甘棠** 甘棠詩召南召伯息於甘棠之下詩

人思之而愛其樹武子欲封殖嘉樹如甘棠以宣子

比召公 ○召上照 **宣子曰起不堪也無以及召公宣**

**子遂如齊納幣** 為平公聘少姜 ○為于偽反 **見子**

**雅子雅召子旗** 子旗子雅之子使見宣子宣子曰

**非保家之主也不臣** 志氣亢 ○見賢遍反下見 **見**

子尾子尾見疆疆子尾之子宣子謂之如子旗宣子謂之如子旗

亦不臣大夫多笑之唯晏子信之曰夫子君子也為十年齊樂

夫子韓起君子有信其有以知之矣為十年齊樂

施高疆來奔張本自齊聘於衛衛侯享之北宮文子

賦淇澳淇澳詩衛風美武公也言宣子有武公之

德淇音其宣子賦木瓜木瓜亦衛風義取於欲

厚報以為好好呼報反夏四月韓須如齊逆女後文註皆同

須韓起之子逆少姜齊陳無宇送女致少姜少姜有

寵於晉侯晉侯謂之少齊為立別號所以寵異之

○少詩照反其常蓋以其齊女故以齊為別號所以寵

異之言少姜少齊蓋本字為少也服虔云所以謂陳

無宇非卿欲使齊以適夫人禮送少姜適丁執

諸中都中都晉邑在西河界休縣東南休許蚌反

少姜為之請曰送從逆班班列也正送從逆班

諸侯以下法當親迎有故得使卿明是使上卿也桓

三年傳例云凡公女嫁于敵國姊妹則上卿送之以

禮於先君公子則下卿送之於大國雖公子亦上卿

送之是送者與逆者俱為上卿是送者依逆者班列

若公子嫁於敵國及姊妹嫁與小國皆下卿送之是

降逆者一等公子嫁於小國上大夫送之是降逆者

二等也若晉以少姜為夫人當以上卿逆齊當以上

卿送是亦送逆同班少姜據多言之故云送從逆班

於

於

或可晉使公族大夫逆少姜元不以夫人之禮則同  
妾媵之屬送者皆從逆者班次不與桓三年逆夫人  
之禮同少姜據此而言故云送從逆班也劉炫云昏  
禮諸侯以下法當親迎有故得使卿明是使上卿也  
凡例云凡公女嫁于敵國姊妹則上卿送之公子則  
下卿送之是送卑於逆者一等故云送者從逆者之  
班次言當卑  
於逆者也 畏大國也猶有所易是以亂作 韓須

公族大夫陳無宇上大夫言齊畏晉改易禮制使上  
大夫送遂致此執辱之罪蓋少姜謙以示譏 ○叔弓

聘于晉報宣子也 此春韓宣子來聘晉侯使郊勞

聘禮賓至近郊君使卿勞之 勞力報 辭曰寡君

使弓來繼舊好固曰女無敢為賓徹命於執事敝邑

弘矣 徹達也 女音汝下 敢辱郊使請辭 辭郊

勞 使所吏 致館 辭曰寡君命下臣來繼舊好好合

使成臣之祿也 得通君命則於已為榮祿敢辱大

館 敢不敢叔向曰子叔子知禮哉吾聞之曰忠信

禮之器也卑讓禮之宗也 宗猶主也 辭不忘國忠

信也 謂稱舊好先國後已卑讓也 始稱敝邑之

弘先國也次稱臣之祿後已也 詩曰敬慎威儀以近

有德夫子近德矣 詩大雅 近附近 秋鄭公孫

黑將作亂欲去游氏而代其位 游氏大叔之族黑

也

為游楚所傷故欲害其族○去起

傷疾作而不果呂反

前年游楚所擊創○創初駟氏與諸大夫欲殺之良反

駟氏黑之族子產在鄙聞之懼弗及乘遽而至○遽

傳驛○遽其據反爾雅云驛遽傳也孫炎

義曰釋言云驛遽傳○驛音亦使吏數之○責數其罪曰伯

有之亂○在襄三十年以大國之事而未爾討也○責數其罪曰伯

務共大國之命不暇治女罪○共音恭下爾有亂心文註皆同

無厭國不女堪專伐伯有而罪一也昆弟爭室而罪

二也○謂爭徐吾犯之妹薰隧之盟女矯君○厭於

位而罪三也○謂使大史書七子有死罪三○矯居

何以堪之不速死大刑將至再拜稽首辭曰死在朝

夕無助天為虐子產曰人誰不死凶人不終命也作

凶事為凶人不助天其助凶人乎請以印為褚師○印

印子皙之子褚師市官○朝如字下同印一

虐○正義曰言我創疾見作死在朝夕之間天已虐

我無更助天為為虐也○褚師市官正義曰蓋

相傳子產曰印也若才君將任之不才將朝夕從女

女罪之不恤而又何請焉不速死司寇將至七月壬

寅縊尸諸周氏之衢○衢道也加木焉○衢其



其罪於木以加尸上。○晉少姜卒。公如晉及河。晉侯使士文伯來辭曰：非伉儷也。

晉侯溺於所幸為少姜行夫人之服故諸侯弔不敢以私煩諸侯故止之

○伉苦浪反。非伉儷也。正義曰：成十一年註云：儷力計反。伉敵也。儷耦也。言少姜是妾非敵身

對耦之人也。少姜是妾杜言晉侯為少姜行夫人之服者以明年傳云寡君在練經之中知其為之服也。

請君無辱公還。季孫宿遂致服焉。

致少姜之襚服公以末秋行始冬還乃書之故經在冬叔向言陳無

宇於晉侯曰：彼何罪？彼無宇君使公族逆之。齊使

上大夫送之。猶曰不共。君求以貪國則不共。

逆卑

於送是晉國不共而執其使君刑已頗何以爲盟主。

頗不平。使所吏反。頗音多反。且少姜有辭。謂請無宇之

辭冬十月陳無宇歸。晉侯赦之。○十一月鄭印段

如晉弔。弔少姜。

經三年春王正月丁未滕子原卒。襄二十五年盟重

丘。○重直。襄二至重丘。正義曰：杜世族譜：滕

爾以來襄五年盟于戚九年于戲十一年于亳城北

十九年于祝柯二十年于澶淵二十五年于重丘皆

魯滕俱在凡六同盟但經傳更無明文未知皆是滕

夏叔弓如滕

五月葬滕成公

卿共小國之葬禮過厚葬襄公滕子

來會故魯厚報之○共音恭傳倣此

秋小邾子來朝

八月大雩

冬大雨雹

無傳記災○雨于付反雹蒲學反

北燕伯欵出奔齊

不書大夫逐之而言奔罪之也書

名從告○不書至從告○正義曰傳稱燕大夫比

自去也傳又云書曰北燕伯欵出奔齊罪之是仲尼新忘不書大夫逐之而言其自奔是罪之也釋例曰

諸侯奔亡皆迫逐而苟免非自出也傳稱孫林父甯殖出其君名在諸侯之策此以臣名赴告之文也仲尼之經更沒逐者主名以自奔為文責其君不能自安自固所犯非徒所逐之臣也衛赴不以名而燕赴以名各隨赴而書之義在彼不在此也傳不發於蔡朱衛而發於燕欵者欵罪輕於衛而重於蔡朱故舉中示例以兼通上下也晉悼感衛而發問師曠恃其目盲因問以極言且明君不能君故臣亦不能臣罪不純在臣也杜言在彼不在此者書其出奔已足罪賤不假書名以見罪故名與不名皆從本赴不復更見義也

傳三年春王正月鄭游吉如晉送少姜之葬梁丙與

張趯見之二子晉大夫○趯他歷反梁丙曰甚矣哉子

之為此來也卿共妾葬過禮甚○為于偽反子大叔曰

將得已乎。言不得止。昔文襄之霸也。晉文公襄

公。文襄至霸也。正義曰：襄是文公子，能繼父業，故連言之。其命朝聘之數，弔葬之使，皆文公令

之，非襄也。其務不煩諸侯，令諸侯三歲而聘，五歲而朝

有事而會，不協而盟。明王之制，歲聘，間朝，在十三

年，今簡之。明王至簡之。正義曰：十三

以志業，間朝以講禮，再朝而會，以示威，再會而盟，以

顯昭明，彼謂諸侯於天子朝聘會盟之數，計十二年

而有八聘，四朝，再會，一盟。此說文襄之霸，令諸侯朝

聘，霸王之法也。諸侯朝天子，因朝而為盟會，所以同好惡，獎王室，霸王之合諸侯，不得令其同盟，以

獎已，故令有事而會，不協而盟，不復設年限之期。周

室既衰，政在霸主，霸主不可自同天子，以明王君薨，

舊制大煩，諸侯不敢依用，故設此制以簡之。

大夫弔，卿共葬事，夫人士弔，大夫送葬。先王之制，

諸侯之喪，士弔，大夫送葬，在三十年，蓋時俗過制，故

文襄雖節之，猶過於古，是以昭禮命事，謀闕而已。

朝聘以昭禮，盟會以謀闕，無加命矣。命有常，今嬖

寵之喪，不敢擇位而數於守適。不敢以其位卑而

令禮數如守適夫人，然則時適夫人之喪，弔送之禮

已過文襄之制。而數所具，反徐所主，反適丁歷。

今嬖至守適。正義曰：今嬖寵賤妾之喪，不敢計擇

妾位卑賤，而令禮數即同於守適夫人也。言守適者，

夫守外職，妻守內職，言夫人守內官之適，長故以長

適言夫人也。文襄之制，夫人喪，士弔，大夫送葬，今游

守

守

守

守

守

吉卿也。而云同於守適，則於時適夫人喪已令卿送葬矣。故杜云：然則時適夫人之喪，弔送之禮已過。文襄之制也。劉炫云：不敢擇取使人於卑賤之位，而禮數同於守內官之適夫人也。唯懼獲戾。

豈敢憚煩。少姜有寵而死，齊必繼室。繼室，復薦女。

○復扶又反。下不出者皆同。今茲吾又將來賀，不唯此行也。張趯

曰：善哉！吾得聞此數也。然自今子其無事矣。譬如火

焉。火心星。火中，寒暑乃退。○心以季夏昏中而暑

退，季冬旦中而寒退。○心以至寒退。○正義曰：月

旦奎中，季冬之月。日在婺女昏婁中。此其極也。能無

退乎？晉將失諸侯，諸侯求煩不獲。言將不能復煩。

後疑中

諸侯二大夫退，子大叔告人曰：張趯有知其猶在君

子之後乎？譏其無隱諱。○知。○丁未，滕子原卒。同

盟，故書名。同盟於襄之世，亦應從同盟之禮。故傳

發之。同盟至發之。○正義曰：文三年，王子虎卒，

盟于翟泉。文公是同盟之子，故赴以名。然則與其父

盟，得以名赴。其于於子虎之卒，既以發傳，而此復發

者，以子虎非諸侯，又滕入春秋以來。○齊侯使晏嬰

請繼室於晉。復以女繼少姜，曰寡君使嬰曰：寡人

願事君，朝夕不倦。將奉質幣，以無失時。則國家多難，

是以不獲。不得自來。○朝如字，質徐之二反。不腆

秦火充

卷之四十一

及古閣

先君之適謂少姜以備內官。焜燿寡人之

望則又無祿。早世隕命。寡人失望。君若不忘先君之

好。惠顧齊國。辱收寡人。微福於大公。丁公。微要也。

二公齊先君言收恤寡人則先君與之福也。焜胡本反又

音昆服云明也。燿羊照反。服云照也。隕于敏。焜燿反。好呼報反。微古堯反。大公音泰。要一遙反。寡人之望。正義曰。服虔云。燿照也。焜明也。言得備妃嬪之列。照明已之意。望也。照臨敝邑。鎮

撫其社稷。則猶有先君之適。適夫人之女及遺姑

姊妹。遺餘也。及遺姑姊妹。正義曰。姑姊妹亦先君之女也。上云先君之適。謂適謂非夫人所生及遺姑姊妹。若而人。言如常人不取譽

謂非夫人所生及遺姑姊妹。若而人。言如常人不取譽

謂非夫人所生及遺姑姊妹。若而人。言如常人不取譽

○譽音餘。君若不棄敝邑。而辱使董振擇之。以備嬪嬙。寡

人之望也。董正也。振整也。嬪嬙婦官。一音真。註同。

嬙本又作。董正至。婦官。正義曰。董正。釋詁文。墻在良反也。振為整理之義。言正整選擇。示精審也。周禮天子有九嬪。嬪是婦官。知嬙亦婦官。哀元年傳說。夫差宿有妃嬙。婦御焉。蓋周末婦官有此名。漢成帝時。匈奴來朝。詔以掖庭王嬙賜之。是名因於古也。韓宣子使叔向對曰。寡

君之願也。寡君不能獨任其社稷之事。未有伉儷在

纒經之中。是以未敢請。制夫人之服。則葬訖。君臣

乃釋服。仞音壬。纒本亦作。未有伉儷。正義曰。衰七雷反。經直結反。少姜本非正夫人。而

云未有伉儷者。蓋晉侯當時無正夫人。其繼室者。使韓起上卿逆之。鄭罕虎如晉賀之。則後娶者為夫人。

乃釋服。仞音壬。纒本亦作。未有伉儷。正義曰。衰七雷反。經直結反。少姜本非正夫人。而

云未有伉儷者。蓋晉侯當時無正夫人。其繼室者。使韓起上卿逆之。鄭罕虎如晉賀之。則後娶者為夫人。

乃釋服。仞音壬。纒本亦作。未有伉儷。正義曰。衰七雷反。經直結反。少姜本非正夫人。而

云未有伉儷者。蓋晉侯當時無正夫人。其繼室者。使韓起上卿逆之。鄭罕虎如晉賀之。則後娶者為夫人。

乃釋服。仞音壬。纒本亦作。未有伉儷。正義曰。衰七雷反。經直結反。少姜本非正夫人。而

云未有伉儷者。蓋晉侯當時無正夫人。其繼室者。使韓起上卿逆之。鄭罕虎如晉賀之。則後娶者為夫人。

乃釋服。仞音壬。纒本亦作。未有伉儷。正義曰。衰七雷反。經直結反。少姜本非正夫人。而

云未有伉儷者。蓋晉侯當時無正夫人。其繼室者。使韓起上卿逆之。鄭罕虎如晉賀之。則後娶者為夫人。

也君有辱命惠莫大焉若惠顧敝邑撫有晉國賜之

內主豈惟寡君舉羣臣實受其貺其自唐叔以下實

寵嘉之唐叔晉之祖也既成昏許昏成晏子受禮受賓享之禮叔向

從之宴相與語叔向曰齊其何如問與衰晏子曰

此季世也吾弗知齊其為陳氏矣不知其他唯知

齊將為陳氏吾弗知絕句公棄其民而歸於陳氏棄民

不恤齊舊四量豆區釜鍾四升為豆各自其四以登

於釜四豆為區區斗六升四區為釜釜六斗四升

謂

登成也量音亮下及註同區釜十則鍾六斛四

斗陳氏三量皆登一焉鍾乃大矣登加也加一謂

加舊量之一也以五升為豆五豆為區五區為釜則

區二斗釜八斗鍾八斛舊本以五升為豆四豆為

而區釜自大故杜云區二斗釜八斗是也本或作五

豆為區五區為釜者為加舊豆區為五亦與杜註相

會非於五升之豆鍾乃大矣正義曰陳氏三量

又五五而加也各登其一則釜為八斗陳氏亦

自依釜數釜十為鍾比於齊之舊鍾不言四而加一

故云鍾乃大矣言其大於齊鍾明亦自十其釜也

以家量貸而以公量收之貸厚而收薄賈他山

木如市弗加於山魚鹽蜃蛤弗加於海賈如在山

海不加貴。○屨食軫反蛤。如訓往也。言將山木往。

至市也。於木既云如市魚鹽。民參其力。二入於公。而

衣食其一。言公重賦斂。○參七南反。又斂力驗反。公聚朽蠹。

而三老凍餒。三老謂上壽中壽下壽皆八十已上。

不見養遇。○聚徐在喻反。一音在圭反。蠹丁故反。三

罪反壽音授下。三老者工老商老農老也。凍丁貢反。餒奴

同上時掌反。三老者工老商老農老也。案民有四

民其老無別不宜以三種之民為三老且士之老者

亦應須恤不當獨遺士也。故杜以為上中下壽言皆

八十以上此亦以意言之釋此文耳不通於餘文也若

秦伯謂蹇叔云中壽爾墓之木。國之諸市屨賤踊貴。

拱矣不言九十而死木已拱矣。

踊則足者屨言則多。○屨九具反踊音勇則足者

之屨也則音月又五刮反。燠休痛念之聲謂陳氏也。

民人痛疾而或燠休之。燠休痛念之聲謂陳氏也。

○燠於喻反徐音憂又於到反一音於六反。燠

休虛喻反徐許留反賈云燠厚也休美也。燠休

氏也。○正義曰賈逵云燠厚也休美也。服虔云燠休

痛其痛而念之若今時小兒痛父母以口就之曰燠

休代其痛也杜氏燠休痛念之聲其意如服言也此

民人痛疾承踊貴之下以其傳文相連無所分別故

言謂陳氏也。其愛之如父母而歸之如流水欲無獲民將

焉辟之箕伯直柄虞遂伯戲。四人皆舜後陳氏之

先。○焉於虔反。四人至之先。○正義曰論陳氏

戲許宜反。而言此四人知四人皆陳氏之先

也。八年傳云舜重之以明德寘德於遂遂世守之及

胡公不淫遂在舜之後知四人皆舜之後世數遠近

不可復知也。其相胡公大姬已在齊矣。胡公四人之後

周始封陳之祖大姬其妃也。言陳氏雖為人臣然將

有國其先祖鬼神已與胡公共在齊。相息亮反服如字大姬音泰

其相至齊矣。正義曰杜不解相服虔云相隨也。蓋相訓為助不為隨也。言箕伯四人其皆助胡公

大姬神靈已在齊矣。神之在否不可測度而晏子為此言者以陳氏必與姜姓必滅示已審見其事故言

先神歸之其實神歸以否非晏子所能知也。今定本相作祖。叔向曰然雖吾公室

今亦季世也。戎馬不駕卿無軍行。言晉衰弱不能

征討救諸侯。行戶郎反公乘無人卒列無長。百人為

卒言人皆非其人非其長。乘繩證反卒子忽反。註同長丁丈反註同。庶

民罷敝而宮室滋侈。滋益也。罷音皮侈尺道。氏反又昌氏反。

相望。餓死為殍。殍音覲說文云道中死者人所覆也。毛詩作瑾傳云瑾路冢也。

而女富溢尤。女嬖寵之家。民間公命如逃寇。雙藥

郤胥原狐續慶伯降在阜隸。八姓晉舊臣之族也。

阜隸賤官。郤主逆反阜才。早反隸力計反。政在家門。大夫專

政民無所依。君日不悛以樂惰憂。惰藏也。悛改也。

悛七全反樂音洛。又音岳。惰他刀反。公室

也。杜以惰為藏當讀如弓韜之韜言以音樂樂身埋藏憂愁於樂中猶古詩云埋憂地下也。

去



之卑其何口之有言今至讒鼎之銘讒鼎名也

○讒任咸反服鼎名也○正義曰服虔云讒云疾讒之鼎也鼎疾讒之鼎明堂位所云崇鼎是也一云讒地名禹鑄九鼎於其讒之地故曰讒鼎二者並無案據其名不可審知故杜直云鼎名而已

曰昧且不顯後世猶怠昧旦早起也不大也言夙

典以務大顯後世猶解怠○昧音妹丕普悲反解佳賣反況日不悛

其能久乎晏子曰子將若何問何以免此難○況

實反難叔向曰晉之公族盡矣乃且反肸聞之公室將卑其

宗族枝葉先落則公從之肸之宗十一族肸之宗十一族○正義曰世族譜云羊

宗肸許乙反肸之宗十一族也羊舌其所以食邑名唯

言晉之公族不知出何公也杜云同祖為宗謂同出

一公有十一族也譜又云或曰羊舌氏姓李名果有

人盜羊而遺其頭不敢不受而埋之後盜羊事發辭

連李氏李氏掘羊頭示之以明已不食唯識其舌存

得免號曰羊舌氏杜言或曰蓋唯羊舌氏在而已肸

舊有此說杜所不從記異聞耳又無子無賢子公室無度無法度幸而得死

言得以壽終為幸豈其獲祀言必不得祀初景公

欲更晏子之宅曰子之宅近市湫隘囂塵不可以居

湫下隘小囂聲塵土○近附近之近下同湫子小

於賣反囂許驕反徐音秋又在酒反下同隘

素刀爽明塏燥○塏苦

反爽明塏燥○塏苦

素刀爽明塏燥○塏苦

秋云將更於豫章之圃辭曰君之先臣容焉先臣

豫章之圃高燥之地也晏子之先人臣不足以嗣之於臣侈矣侈奢也且

小人近市朝夕得所求小人之利也敢煩里旅旅

衆也不敢勞衆為已宅公笑曰子近市識

貴賤乎對曰既利之敢不識乎公曰何貴何賤於是

景公繁於刑繁多也有鬻踊者故對曰踊貴履賤

既已告於君故與叔向語而稱之傳護晏子令不

與張趯同譏鬻羊六反賣傳護晏子正義

此傳而叔向亦言已國傳雖無景公為是省於刑君

子曰仁人之言其利博哉晏子一言而齊侯省刑詩

曰君子如祉亂庶遄已詩小雅如行也祉福也遄

疾也言君子行福則庶幾亂疾止也為是干僞反

祉音耻遄其是之謂乎及晏子如晉公更其宅反則

成矣既拜拜謝新宅乃毀之而為里室皆如其舊

本壞里室以大晏子之宅故復之壞音怪復音

復欲復則使宅人反之還其故室且諺曰非

宅是卜唯鄰是卜卜良鄰二三子先卜鄰矣

二三子謂鄰人違卜不祥君子不犯非禮去儉

即奢為非禮。小人不犯不祥。古之制也。吾敢違諸乎。卒復其舊宅。公弗許。因陳桓子以請。乃許之。

齊晉之衰賢臣懷憂且言陳氏之興 ○夏四月鄭伯

如晉。公孫段相甚敬而卑。禮無違者。晉侯嘉焉。授之

以策。策賜命之書。○相息亮反曰子豐有勞於晉

國。子豐段之父。○子豐至晉國 ○正義曰服虔云

晉計從太子一朝於晉不足以為勞也 或當別有功勞事無所見故杜不解之余聞而弗忘

賜女州田。州縣今屬河內郡。○女音汝以胙乃舊勲。伯

石再拜稽首受策以出。君子曰禮其人之急也乎。伯

石之汰也。○汰驕也 胙才路反 汰音泰一為禮於晉。猶荷其

祿。況以禮終始乎。詩曰人而無禮胡不遄死。其是之

謂乎。初州縣樂豹之邑也。○豹樂盈族 任也又音可

及欒氏亡。范宣子趙文子韓宣子皆欲之。文子曰溫

吾縣也。○州本屬溫 溫趙氏邑二宣子曰自郤稱以

別三傳矣。○郤稱晉大夫始受州自是州與溫別至

今傳三家 稱尺證反以別絕 句三傳直專反註同晉之別縣不唯州。誰

獲治之。○言縣邑既別甚多無有得追而治取之文

子病之。乃舍之。二子曰吾不可以正議而自與也。皆

不

舍之及文子為政趙獲曰可以取州矣

之子乃舍音赦又音捨下同文子曰退

使獲退也二子之言

義也二子二宣子也違義禍也余不能治余縣又

焉用州其以徼禍也君子曰弗知實難

患不知禍所起○焉於虞反知而復從禍莫大焉有言州必死豐氏

故主韓氏故猶舊也豐氏至晉舊以韓氏為主人

伯石之獲州也韓宣子為之請之為其復取之之故

後若還晉因自欲取之為七年豐氏歸州張本

○五月叔弓如滕葬

滕成公子服椒為介及郊遇懿伯之忌敬子不入

忌怨也懿伯椒之叔父敬子叔弓也叔弓禮椒為之

辟仇○介音界辟音避

五月至成公○正義曰經書夏叔

如滕亦在五月之下杜於桓十六年註引此事以為

本事異兩書之故或言月或言時事異故文異其實

叔弓亦以五月行也劉炫云叔弓以四月發魯滕以

五月葬君叔弓書始行之月滕書實葬之月故書經

異文也傳述遇讐之事并就葬月言耳○子服至不

入○正義曰檀弓下云滕成公之喪使子叔敬叔弔

進書子服惠伯為介及郊為懿伯之忌不入惠伯曰

政也不可以叔父之私不將公事遂入敬叔即此敬

子也懿伯是惠伯之叔父為人所殺及滕郊遇懿伯

之忌逢其讐也敬叔不入以禮惠伯欲使惠伯報叔

父之讐殺彼人也惠伯以公義不可先入受館記文

雖字有小異意與傳同而鄭玄註云敬叔有怨於懿

春秋疏

卷之四十九

及古聞

伯難惠伯故不入又云敬叔於昭穆以懿伯為叔父其言差錯不可顯解是鄭之謬也○○正義曰記云不可以叔父之私知懿伯是叔之叔父也叔弓不入者禮椒也為椒有辟仇之恥禮之欲使殺惠伯曰公事有公利無私忌椒請先入乃先受

館敬子從之○正義曰檀弓云子夏請問居昆弟之惠伯子服椒也傳言叔弓之有禮

仇如之何曰任不與共國衛君命而使雖遇之不鬪鄭玄云為負而廢君命也叔父之與昆弟親疎同耳故有公利無私忌辟仇非恥故椒請先入也○

晉韓起如齊逆女○正義曰檀弓云子夏請問居昆弟之為平公逆公孫薑為少姜之有

寵也以其子更公女而嫁公子○更嫁公女更嫁公女○薑收

人謂宣子子尾欺晉晉胡受之宣子曰我欲得齊而

遠其寵寵將來乎○遠于○秋七月鄭

罕虎如晉賀夫人且告曰楚人日徵敝邑以不朝立

王之故○楚靈王新立敝邑之往則畏執事其謂寡

君而固有外心其不往則宋之盟云○云交相見進

退罪也寡君使虎布之○布陳也宣子使叔向對曰

君若辱有寡君在楚何害修宋盟也君苟思盟寡君

乃知免於戾矣君若不有寡君雖朝夕辱於敝邑寡

君猜焉○猜疑也君實有心何辱命焉○言

若有事晉心至楚可不須告君其往也苟有寡君在

讀

楚猶在晉也。張趯使謂大叔曰：自子之歸也。歸在

此年春，小人糞除先人之敝廬，曰：子其將來。今子皮

實來，小人失望。大叔曰：吉賤不獲來。賤非上卿。

甫問：吉賤不獲來。正義曰：張趯自晉使告大叔，反。大叔在鄭，遙報趯語，而云不獲來者，教使者

報趯作至晉時語，故云不獲來。今人之語猶然也。畏大國尊夫人也。且孟曰：

而將無事，吉庶幾焉。孟，張趯也。庶幾，如趯言。○小

邾穆公來朝，季武子欲卑之。不欲以諸侯禮待之。

穆叔曰：不可。曹滕二邾實不忘我好，敬以逆之。猶懼

其貳，又卑一睦焉。一睦，謂小邾。○齊不忘我好，絕句。一以好字向

下好呼報反。下文羣好同音。言曹滕二邾皆親魯，小邾是親魯者之一國也。

逆羣好也。其如舊而加敬焉。志曰：能敬無災。

又曰：敬逆來者，天所福也。季孫從之。○八月，大雩。旱

也。○齊侯田於莒。莒，齊東竟。境下同。盧蒲癸見泣

且請曰：余髮如此種種，余奚能為。癸，慶封之黨。襄

二十八年，放之於竟。種種，短也。自言衰老，不能復為

害。○癸，普結反。又匹舌反。見賢通反。種，本亦作董。董，章勇反。公曰：諾。吾告二子。

二子，子雅、子尾。歸而告之。子尾欲復之。子雅不可，曰：

彼其髮短而心甚長，其或寢處我矣。言不可信。九

月。子雅放盧蒲癸于北燕。恐其復作亂。

正義曰前已在竟今復徙之遠國也。燕簡公多嬖寵欲去諸大夫而

立其寵人冬燕大夫比以殺公之外嬖。

比相親比也。公懼奔齊書曰北燕伯欵出奔齊罪

之也。欵罪輕於衛衎重於蔡朱故舉中示例。

○十月鄭伯如楚子產相楚子享之賦吉日吉

日詩小雅宣王田獵之詩楚王欲與鄭伯共田故賦

之。既享子產乃具田備王以田江南之夢。

楚之雲夢跨江南北。齊公孫竈卒。

合

竈子雅司馬竈見晏子。司馬竈齊大夫曰又喪子

雅矣晏子曰惜也子旗不免始哉。以其不臣。

反姜族弱矣而媯將始昌。媯陳氏。二惠競

爽猶可。子雅子尾皆齊惠公之孫也競疆也爽明

也又弱一个焉姜其危哉。當雪而雹故以為災而書

經四年春王正月大雨雹。當雪而雹故以為災而書

之。夏楚子蔡侯陳侯鄭伯許男徐子滕子頓子胡子沈子

小邾子宋世子佐淮夷會于申。楚靈王始會諸侯。

○沈音審

楚人執徐子。稱人以執以不道於其民告。

秋七月。楚子蔡侯陳侯許男頓子胡子沈子淮夷伐吳。

因申會以伐吳。不言諸侯者。鄭徐滕小邾宋不在

故也。胡國汝陰縣西北有胡城。楚子至于申。正義曰。釋例班序譜

稱齊桓既沒。宋楚爭盟。起僖十八年。盡二十七年。陳與蔡凡三會在蔡上。楚合諸侯。蔡與陳凡六會。其五

在陳上。莊十六年。註云。陳國小。每盟會皆在衛下。齊桓始霸。楚亦始疆。陳侯介於二大國之間。而為三恪

之客。故齊桓因而進之。遂班在衛上。終於春秋。然則陳實小於蔡。衛桓公進陳班耳。楚以大小為序。不進

陳班。故蔡多在陳上。因申至胡城。正義曰。傳稱楚子以諸侯伐吳。則因會而遂行。春秋一事而再

見者皆前目而後凡。計此當云諸侯遂伐吳。不言諸侯者。以屬晉之國。鄭徐滕小邾宋皆不在行。不得總言諸侯。故別序之也。傳稱宋華費遂鄭大夫從。則宋鄭在行。亦不序者。楚既慰遣。彼自義從。楚人成已意。遣不以善也。執齊慶封殺之。楚子欲行霸。為齊討慶封。

故稱齊。為于遂滅賴。才陵

九月取郟。郟莒邑。傳例曰。克邑不用師。徒曰取。才陵

反

冬十有二月乙卯。叔孫豹卒。

傳四年春王正月。許男如楚楚子止之。欲與俱田。

遂止鄭伯。復田江南。許男與焉。前年楚子已與鄭



伯田江南故言復○復扶又反註使椒舉如晉求諸

侯二君待之○二君鄭許椒舉致命曰寡君使舉曰

日君有惠賜盟于宋○宋盟在襄二十七年曰晉楚

之從交相見也以歲之不易○不易言有難○易以

同難乃旦反寡人願結驩於二三君○欲得諸侯謀

事補闕○驩與使舉請問君若苟無四方之虞○虞

度也○請問徐音閑一則願假寵以請於諸侯○欲

音如字度待洛反借君之威寵以致諸侯晉侯欲勿許司馬侯曰不可

楚王方侈天或者欲逞其心以厚其毒而降之罰未

教

可知也其使能終亦未可知也晉楚唯天所相○相

助也○侈昌氏反又尺氏反逞不可與爭君其許之

而修德以待其歸若歸於德吾猶將事之況諸侯乎

若適淫虐楚將棄之○棄不以爲君吾又誰與爭公

曰晉有三不殆其何敵之有○殆危也○殆直國險

而多馬齊楚多難○多篡弑之難○篡初患反有是

三者何鄉而不濟對曰恃險與馬而虞鄰國之難是

三殆也四嶽○東嶽岱西嶽華南嶽衡北嶽恒○鄉

反本又作嚮嶽音岳岱音代在兗州華如字又胡化

作恒者是也北嶽本名恒四嶽○正義曰釋山云  
山漢為文帝諱改作常耳河南華河東岱河北恒  
嶽恒山也衡南嶽衡山也釋例土地名云東嶽泰山北  
奉高縣泰山也南嶽長沙湘南縣衡山也西嶽弘農  
華陰縣西南華山也北嶽中山曲陽縣西北恒山也  
郭璞註恒山名常山辟漢文帝諱耳爾雅於釋山發  
首言此四山明其卽是四嶽故註者皆以嶽解之且  
諸書史傳讖緯皆以岱衡華恒為四嶽四嶽必是此  
四山也釋山又云泰山為東嶽華山為西嶽霍山為  
南嶽恒山為北嶽岱泰衡霍二文不同者此二嶽者  
皆一山而二名也白虎通云嶽者何嶽之為言桷也  
桷功德也應劭風俗通云嶽桷也桷考功德黜陟也  
然則四方方有一山天子巡狩至其下桷考諸侯功  
德而黜陟之故謂之嶽也風俗通又云泰山山之尊  
者一曰岱宗岱始也宗長也萬物之始陰陽交代故  
為五嶽長王者受命恒封禪之衡山一名霍山言萬  
物霍然大也華變也萬物成變由於西方也恒常也

由  
服云

萬物伏北方有常也是解衡之與霍泰之與岱皆一  
山有二名也張揖云天柱謂之霍山漢書地理志云  
天柱在廬江灊縣風俗通亦云霍山廟在廬江灊縣  
如彼所云則霍山在江北而得與江南衡山為一者  
本江南衡山一名霍山漢武帝移嶽神於天柱又名  
天柱為霍山故漢魏以來衡霍別耳郭璞註爾雅云  
霍山今廬江灊縣灊水出焉別名天柱山漢武帝以  
衡山遼曠故移其神於此今其上俗人皆呼之為南  
嶽嶽本自以兩山為名非從近來也而學者多以霍  
山不得為南嶽又云從漢武帝來始有名卽如此言  
為武帝在爾雅之前乎斯不然也是解衡霍二名之  
山也書傳多云五岳此傳云四岳者中嶽嵩高卽大  
室是也下別言之三塗在河南陸渾縣南○三塗  
故此云四嶽也三塗在河南陸渾縣南○三塗  
行轅轅嶠灑也三塗○正義曰服虔云三塗大  
戶昏反又戶困反行轅轅嶠灑也謂三塗為三處  
道也杜云在河南陸渾縣南則以三塗為一釋例土  
地名云三塗河南陸渾縣南山名或曰三塗伊闕大

春火流

卷之四十五

及古

谷轅轅三道也傳曰晉將伐陸渾而先有事於洛與  
 三塗先祭山川也謂三道皆非也是杜據彼十七年  
 傳文知三塗是陽城陽城在陽城縣東北  
 山非三道也陽城在陽城縣東北  
 山名也土地名云河南陽城縣東北山滄水所出也  
 大室在河南陽城縣西北  
 北○大室音泰下文大室同大  
 室即中嶽嵩高山也在豫州大室○正義曰大  
 云嵩高為中嶽郭璞云大室山也別名外方今在河  
 南陽城縣西北土地名云大室河南陽城縣西嵩高  
 山中嶽也地理志云武帝置嵩高縣以奉大  
 室之山是為中嶽又有少室在大室之西也荆山  
 在新城沔鄉縣南○沔音市又音示漢書音義音僻  
 或作僕或一音隸則當水旁作示恐非本  
 字誤也中南在始平武功縣南九州之險也是不  
 一姓雖是天下至險無德則滅亡冀之北土  
 燕

代○燕鳥賢反馬之所生無與國焉恃險與馬不可以為

固也○亨許庚反註同從古以然是以先王務修德音以亨神人○亨

通也○亨許庚反註同者嘉之會也嘉會禮通謂之亨是

亨為通也言治民事神使人○正義曰易文言云亨不聞其務險與馬也鄰

國之難不可虞也或多難以固其國啓其疆土或無

難以喪其國失其守宇○疆居良反喪

息浪反○於國至為宇○正義曰易稱上棟下宇

垂謂四竟邊垂○於屋則簷邊為宇也於國則若何虞難齊有仲孫之難而獲桓公

至今賴之○仲孫公孫無知事在莊九年晉有里平

之難而獲文公是以爲盟主

里克不鄭事在僖九年

年○平普悲反衛邾無難敵亦喪之

閔二年狄滅衛僖

者而不修政德亡於不暇又何能濟君其許之紂作

淫虐文王惠和殷是以隕周是以興夫豈爭諸侯乃

許楚使使叔向對曰寡君有社稷之事是以不獲春

秋時見言不得自往謙辭紂直救反隕于敏反

楚使所交反向許丈反

昏蓋楚子遣舉時兼使求昏晉侯許之楚子問於

朝見昏見同諸侯君實有之何辱命焉椒舉遂請

子產曰晉其許我諸侯乎對曰許君晉君少安不在

諸侯安於少小不能遠圖其大夫多求

貪也莫匡其君在宋之盟又曰如一晉楚同也

將焉用之焉用宋盟王曰諸侯其來乎

對曰必來從宋之盟承君之歡不畏大國

也何故不來不來者其魯衛曹邾乎曹畏宋邾畏魯

魯衛偏於齊而親於晉唯是不來其餘君之所及也

誰敢不至言楚威力所能及其餘至不

力反

可禦魚呂反誰能禦之同補

夏戶雅反下同補

天

曰言其餘諸侯君之威力所不及誰敢不來至楚者也王曰然則吾所求者無

不可乎對曰求逞於人不可逞快也求人快意

人必違之與人同欲盡濟為下會申傳○大雨雹

季武子問於申豐曰雹可禦乎禦止也申豐魯大

夫對曰聖人在上無雹雖有不為災古者日在北陸

而藏冰陸道也謂夏十二月日在虛危冰堅而藏

之聖人至為災○正義曰無雹復云雖有不為災者言有相形之勢也聖人在上無雹言必無雖有不為災復見無雹之意猶論語祭肉不出三日出三日不食之矣○陸道至藏之○正義曰釋例云北陸虛也西陸昂也孫炎云陸中也北方之宿虛為中也西方之宿昂為中也彼以陸為中杜以陸為道

謂

西陸朝如字注同觀徒歷反在昂音印蟄與直立反下除中反奎苦圭反補

者陸之為中為道皆無正訓各以意言耳杜以西陸朝觀謂奎星朝見昂為西方中宿則昂未得見宿是日行之道爾雅高平曰陸高平是道路之處故以陸為道也日在北陸為夏之十二月也十二月日在玄枵之次小寒節大寒中漢書律曆志載劉歆三統歷云玄枵之初日在婺女八度為小寒節在危初度為大寒中終於危十五度是夏之十二月日在虛危也於是之時寒極冰厚故取而藏之也周禮凌人正歲十有二月令斬冰詩云二之日鑿冰冲冲月令季冬冰盛水腹命取冰鄭玄云腹厚也以此知日在北陸謂夏之十月西陸朝觀而出之謂夏三月日在昂畢

蟄蟲出而用冰春分之中奎星朝見東方西陸朝觀而出

之正義曰觀見也西道之宿有奎朝見者於是而出之謂奎星晨見而出水也○謂夏至東方○正

義曰杜以西陸為三月日在大梁之次清明節穀雨中三統歷云大梁之初日在胃七度為清明節在昂

八度為穀雨中終於畢十一度是夏之三月日在昴  
 畢於是之時螿蟲已出有溫暑臭穢宜當用冰故以  
 是時出之也曆法星去日半次則得朝見三統曆春  
 分日在婁四度宿分奎有十六度乃次婁則春分之  
 日奎之初度去日已二十度矣故春分之中得早朝  
 見東方也西方凡有七宿傳言西陸朝觀於傳之文  
 未知何宿觀也服虔以為二月日在婁四度春分之  
 中奎始朝見東方以是時出冰月令仲春天子乃獻  
 羔啓冰是也服虔又以此言出之即是仲春啓冰故  
 為此說案下句再言其藏其出覆此藏出之文言其  
 出之也朝之祿位賓食喪祭於是乎用之即是班冰  
 之事非初啓也安得以出之為啓冰也如鄭玄答其  
 弟子孫皓問云西陸朝觀謂四月立夏之時周禮夏  
 班冰是也與杜說異理亦通也劉炫云春分奎星已  
 見杜以夏三月仍云奎始朝見非其義也杜鄭及服  
 三說鄭為近之今知非者杜以西陸朝觀實是春分  
 二月故杜此註云春分之中奎星朝見東方及下獻  
 羔啓之註云謂二月春分獻羔祭韭是也皆據初出

共

涸寒戶故反閉也以  
 道音導  
 處

其冰公始用之時也所以杜又註云謂夏之三月日  
 在昴畢螿蟲出而用冰者以此傳云西陸朝觀而出  
 之下傳覆之云其出之也朝之祿位賓食喪祭於是  
 乎用之既云朝之祿位賓食喪祭則是普賜羣臣故  
 杜云謂夏三月又下註云言不獨是公是據普班之  
 時也故下傳又云火出而畢賦是也然冰之初出在  
 西陸始朝觀之時冰之普出在西陸朝觀之後總而  
 言之亦得稱西陸朝觀而出之也劉炫不細觀杜意  
 以為杜既言春分朝見又言其藏冰也深山窮谷固  
 謂夏三月以規杜失非也  
**陰沍寒於是乎取之**  
 沍閉也必取積陰之冰所以  
 道達其氣使不為災  
 其藏至取之○正義曰此傳  
 再言其藏其出者上言取之  
 用之之事下言藏之出之禮也山則遠而難窮故  
 言深山也谷則近而易盡故言窮谷也固牢也沍閉  
 也牢陰閉寒言其不得見日寒甚之處於是乎取之  
 ○正義曰周禮鼈人掌互物鄭司  
 春火沍

獨共音恭 補

春利頭 卷之四三 漢書

農云互物謂龜鼈有甲滿胡是沍為閉也深山窮谷  
 之冰至夏猶未釋陽氣起於下隔於冰伏積而不能  
 出憤發或散而為雹藏冰必取此山谷之內積陰之  
 冰所以道達其氣使不為災也藏冰凌室所藏不多  
 積陰之冰不可取盡不取川池之水以示 其出之也  
 道達陽氣耳未必陽氣皆待此而達也

**朝之祿位賓食喪祭於是乎用之** 言不獨共公

其出至用之○正義曰此謂公家用之也朝廷之臣  
 食祿在位大夫以上皆當賜之冰也其公家有賓客  
 享食公家有喪有祭於是乎用之言其不獨共公身  
 所用也周禮凌人云春始治鑑凡內外饗之膳羞鑑  
 焉凡酒漿之酒醴亦如之祭祀共冰鑑賓 其藏之也  
 客共冰大喪共夷槃冰是公家所用冰也

**黑牡秬黍以享司寒** 黑牡黑牲也秬黑黍也司寒  
 玄冥北方之神故物皆用黑有事於冰故祭其神

牲

茂后反秬音 黑牡至其神○正義曰此祭玄冥  
 巨冥亡丁反 之神非大神且非正祭計應不用大  
 牲杜言黑牡黑牲當是黑牡羊也秬黑黍釋草文也  
 啓冰唯獻羔祭非藏冰則祭用牲黍者啓唯告而已  
 藏則設享祭之禮祭禮大而告禮小故也月令於冬  
 云其神玄冥故知司寒是玄冥也北方之神故物皆  
 用黑從其方色也有 其出之也 桃弧棘矢以除其災  
 事於冰故祭其寒神

**桃弓棘箭所以禳除凶邪將御至尊故** 禳如羊反

邪似 桃弓至尊故○正義曰說文云弧木弓也  
 差反 謂空用木無骨飾也服虔云桃所以逃凶也  
 於凌室之戶所以禳除凶邪將御至尊故慎其事為  
 此禮也此傳言其出之也雖覆上文出之文其實  
 此出之謂二月初出之時公將用之故設弓矢也劉  
 炫云此言出之覆上西陸朝覲知是火出時事二月  
 已啓此方用弓矢者二月啓冰始薦宗廟此公將用

春火梳 卷之四三 三十 及古闕

此於何字微來

之故設其出入也時食肉之祿冰皆與焉食肉之

祿謂在朝廷治其職事就官食者音預與食者正

義曰在官治事官皆給食大夫以上食乃有肉故魯

膳日雙雞是大夫得食肉也傳言食肉之祿祿即此

肉是也若依禮常所合食案玉藻云天子日食少牢

諸侯日食特牲大夫特豕士特豚則士亦食肉但彼

是在家之禮非公朝常食也杜言謂在朝廷治其職

事就官食者以明在官之食有冰耳下云命夫大

命婦無不受冰謂賜之冰受以歸在家用之也

夫命婦喪浴用冰命婦大夫妻音欲冰大夫至用

曰喪服傳曰大夫弔於命婦錫衰命婦弔於大夫亦

錫衰此傳與彼命婦之文皆與大夫相對故杜知是

大夫妻也喪大記云君設大盤造冰焉大夫設夷盤

造冰焉士併瓦盤無冰鄭玄云禮自仲春之後尸既

襲既小斂先內冰盤中乃設牀於其上不施席而遷

尸焉秋涼而止士喪禮君賜冰亦用夷盤是當喪之

時特賜之冰浴訖乃祭寒而藏之享司寒而藏之

設故云喪浴用水祭寒而藏之享司寒而藏之

本或作祭獻羔而啓之謂二月春分獻羔祭非開

司寒者非獻羔而啓之謂二月春分獻羔祭非開

冰室音九祭寒至啓之正義曰上巳云其藏冰

藏之與上一事而重其文者欲明獻羔而啓之還是

獻之於寒神故更使藏之啓之文相對也謂二

至冰室正義曰詩云四之日其蚤獻羔祭非四之

日即夏之二月也告神而始開冰室始薦宗廟薦神

之後公遂用之公始用之公先用優尊火出而畢

始

春火流

卷之三十一

禮記

賦音九火星昏見東方謂三月四月中音預與食者正

十七年傳云火出於夏為三月於商為四月於周為

五月此云火出而畢賦謂以火出而後賦之以火出



為始也周禮云夏頒冰為正歲之

老疾無不受冰註老致仕在家者

之註山人虞官縣人遂屬傳直

藏之註與隸皆賤官音餘夫冰以風壯註冰因風寒

而堅亮反而以風出註順春風而散用其藏之也

周註周密也其用之也徧註及老疾音徧則冬無愆

陽註愆過也謂冬溫愆起夏無伏陰註伏陰謂夏

寒春無凄風註凄寒也西反秋無苦雨註霖雨為

人所患苦音霖霖雨為人所患苦正義曰詩

味無甘苦之異養物為其害物為苦耳孟夏

行秋令則苦雨數來五穀不滋是霖雨為人所患謂

之苦也鄭玄云申之氣乘之苦雷出不震註震霆也

雨白露之類時物得而傷也雷震霆也正義曰說文云震劈

○霆音停又音歷震物者釋天云疾雷為霆霓郭

璞云雷之急激者謂劈歷則霆是震之別名雷出不

震言有雷而不為霹靂也下云雷不發而震言無雷

而有霹無雷霜雹癘疾不降註癘惡氣也音癘

虛也例無雷至不降正義曰霜雹即是雷言無此雷

為之故害之霜雹也寒暑失時則民多癘疾癘疾天氣

云降也民不夭札註短折為天天死為札札側八

字林作短折至為札正義曰洪範六極一曰

壯列反短折孔安國曰短未六十折未三十是

水火

水火

水火

水火

短折為少天之名也周禮膳夫天札則不舉鄭玄云天札疫癘也謂遭疫癘而天死也癘疾謂民病天札謂人死故云今藏川池之冰棄而不用既不藏深

山窮谷之冰又火出不畢賦有餘則棄之風不越而殺雷不發而震越散也言陰陽失序雷風為害殺

如字又色界風不至而震○正義曰風不以理舒反徐色例反散而暴疾殺物雷不徐緩動發而震擊為雷之為雷誰能禦之七月之卒章藏冰之道也

七月詩豳風卒章曰二之日鑿冰冲冲謂十二月鑿而取之三之日納于凌陰凌陰冰室也四之日其蚤獻羔祭韭謂二月春風蚤開冰室以薦宗廟○幽彼貧

反鑿在洛反冲冲直忠反七月至宗廟○正義凌陵證反一音陵蚤音早曰凌人十二月令斬冰月令十二月令取冰當是即以其月納於凌室也詩言三之日納於凌陰即是正月矣不以鑿冰之月即納之者鄭玄云幽土晚寒可以正月納冰言由晚寒故也上言將欲頒賦公始用之知蚤開冰室唯薦宗廟何休膏肓難此云春秋書雹以為政之所致非由冰也若今朝廷藏冰亦不於深山窮谷何故或無雹天下郡縣皆不藏冰何故或不雹若言有之於古者必有驗於今此其不合於義失天人相與之意鄭玄箴之曰雨雹政失之所致是固然也國之失政君子知其大者其次知其小者藏冰之禮凌人掌之月令載之爾詩歌之此獨非政與故其小者耳夫深山窮谷固陰濕寒極陰之處冰凍所聚不取其冰則氣畜不泄結滯而為伏陰凡雨水陽也雪雹陰也雨水而伏陰薄之則疑而為雹雨雪而愆陽薄之則合而為霰中豐見時失藏冰之禮而有雹推之陰陽知此伏陰所致亦聖人之寓言也詳載其言者以著藏冰之

家火充

卷之三十三

及古周

禮不可廢耳。炫謂鄭言是也。申豐寄言。○夏諸侯如

楚魯衛曹邾不會。曹邾辭以難。公辭以時祭。衛侯辭

以疾。○如子產言。○難乃。○邾不會。○正義曰。宋之

相見而楚召邾滕使從會者。邾滕自欲辟役不在宋

盟。又晉合諸侯常列於會。襄二十九年城杞。三十年

會于澶淵。邾滕皆在。楚知其事故。鄭伯先待于申。○

自楚先至會地。六月丙午。楚子合諸侯于申。椒舉言

於楚子曰。臣聞諸侯無歸禮以為歸。今君始得諸侯

其慎禮矣。霸之濟否。在此會也。夏啓有鈞臺之享。○

啓禹子也。河南陽翟縣南有鈞臺陂。蓋啓享諸侯於

將

此。○夏啓戶雅反。註做。商湯有景亳之命。○河南鞏

縣西南有湯亭。或言亳即偃師。○亳步各反。周武有

孟津之誓。○時伐紂也。○孟本又。成有岐陽之蒐。○

周成王歸自奄。大蒐於岐山之陽。岐山在扶風美陽

縣西北。○岐其宜反。康有酆宮之朝。○酆在始平鄠

縣東有靈臺。康王於是朝諸侯。○酆芳。穆有塗山之

會。○周穆王會諸侯於塗山。塗山在壽春東北。○夏

至之會。○正義曰。此六王之事。唯周武王孟津之誓。

尚書有其事。武王伐殷作泰誓三篇是也。其餘五者。

皆書傳無文。不能知其本末。○周成至西北。○正

義曰。書序云。成王歸自奄。在宗周。諸庶邦。作多方。其

春。火。流。○卷之四十一。三十四。○岐古朝。

經云告爾四國多方則於時諸侯大集故謂岐陽之蒐在此時也齊桓有召陵之師

在僖四年○召上  
晉文有踐土之盟在僖二十

八年君其何用宋向戌鄭公孫僑在諸侯之良也君

其選焉選擇所用○向舒亮反戊音恤僑其驕反王曰吾用齊桓

用會召陵之禮○吾用齊桓○正義曰用會召陵之禮出自王意也服虔云召陵

之役齊桓退舍以禮楚靈王今感其意是以用之王使問禮於左師與子產

左師曰小國習之大國用之敢不薦聞言所聞謙

示所未有獻公合諸侯之禮六其禮六儀也宋魯

公故獻公禮其禮六儀○正義曰以言禮六故言其禮六儀當是會上有此六儀不

知六者何謂也子產曰小國共職敢不薦守獻伯子男會公

之禮六鄭伯爵故獻伯子男會公之禮其禮同所

從言之異○共音恭守手又反鄭伯至之異○正義曰杜

左師獻公合諸侯之禮六子產獻伯子男會公之禮六若其各異凡十二禮下椒舉云禮吾所未見者六

焉故知其禮同也於公言之云合諸侯之禮於伯子男言之云會公之禮是所從言之異君子謂

合左師善守先代子產善相小國王使椒舉侍於後

以規過規正二子之過○相息亮反卒事不規王問其

故對曰禮吾未見者有六焉左師子產又何以規

所獻六禮楚皆未嘗行宋大子佐後至王田於武城

久而弗見椒舉請辭焉請王辭謝之王使往曰屬

有宗祧之事於武城言為宗廟田獵也屬章玉反

反為于武城正義曰土地名楚之武城在南陽宛縣北也魯之武城在泰山南武城縣也

有澹臺寡君將墮幣焉子羽冢敢謝後見恨其後至故言

將因諸侯會布幣乃相見經并書宋大子佐知此言

在會前墮許規反布也服云將墮幣焉正義

侯會布幣乃相見不解墮之義案隱六年公羊傳鄭

義也朝聘之禮客必致幣於主據主則為受據客則

為輸襄三十一年傳子產論幣云其輸之則君之府

實也非薦陳之不敢輸也是謂布幣為輸幣也言將

待輸幣之時乃相見見既在後故遣我來敢謝後見

也服虔云墮輸也言將輸受宋之幣於宗廟案禮之

享幣皆令宰受不以薦宗廟雖訓為輸義不當也

徐子吳出也以為貳焉故執諸申言楚子以疑罪

執諸侯楚子示諸侯侈自奢侈椒舉曰夫六王二

公之事六王啓湯武成康穆也二公齊桓晉文皆

所以示諸侯禮也諸侯所由用命也夏桀為仍之會

有緡叛之仍緡皆國名商紂為黎之

蒐東夷叛之黎東夷國名周幽為大室之

盟戎狄叛之大室中嶽皆所以示諸侯汰也諸侯

所由棄命也今君以汰無乃不濟乎王弗聽子產見

左師曰吾不患楚矣汰而復諫

**諫**

復狠也

汰音泰 復皮逼反

狠胡 懇反

不過十年左師曰然不十年侈其惡不遠遠惡

而後棄

**惡**

及遠方則人棄之善亦如之德遠而後

與

為十三年楚弑其君傳○秋七月楚子以諸侯

伐吳宋大子鄭伯先歸

**歸**

經所以更敘諸侯也時晉

之屬國皆歸獨言二國者鄭伯久於楚宋大子不得

時見故慰遣之

○見賢通 反又如字

宋華費遂鄭大夫從

**從**

從

伐吳以答見慰

○費扶味反從 才用反註同

使屈申圍朱方

**圍**

朱

方吳邑齊慶封所封也屈申屈蕩之子

○屈居 忽反

八月

甲申克之執齊慶封而盡滅其族

**族**

慶封以襄二十

八年奔吳八月無甲申日誤

**誤**

八月甲申○正義曰 長歷推此年七月已

未朔二十六日得甲申八月已丑朔其月無甲申 而傳上有七月下有九月月不容誤故知日誤將

戮慶封椒舉曰臣聞無瑕者可以戮人慶封惟逆命

是以此

**逆**

命謂性不恭順其肯從於戮乎

**乎**

言

不肯默而從戮播於諸侯焉用之

**播**

播揚也

○播波 左反徐

云字或作幡敷 袁反焉於虔反

王弗聽負之斧鉞以徇於諸侯使言

曰無或如齊慶封弑其君弱其孤以盟其大夫

**齊**

齊

崔杼弑君慶封其黨也故以弑君罪責之

○鉞音越 徇似俊反

杵直弱其孤○正義曰在杵弑莊公立其弟呂反慶封

曰無或如楚共王之庶子圍弑其君兄之子麋而代

之以盟諸侯王使速殺之遂以諸侯滅賴賴子面縛

銜璧士袒輿觀從之造於中軍中軍王所將○共

麋九倫反袒音但輿觀所覲反棺以盟諸侯○正

也造七報反將子斤反下將帥同義曰靈王即位

以來經傳不見與諸侯盟事蓋楚子自與屬楚諸侯私盟不告魯而慶封知之王問諸椒舉

對曰成王克許在僖六年許僖公如是王親釋其

縛受其璧焚其輿王從之從舉言○縛如字遷賴

於郟郟楚邑○郟於晚反又於建反楚子欲遷許於賴使鬬

韋龜與公子棄疾城之而還為許城也韋龜子文

之玄孫為于申無宇曰楚禍之首將在此矣召諸

侯而來伐國而克城竟莫校謂築城於外竟諸侯

無與爭竟音境註同王心不違民其居乎言將

有事不得安也民之不處其誰堪之不堪王命乃禍

亂也○九月取郟言易也莒亂著丘公立而不撫郟

郟叛而來故曰取凡克邑不用師徒曰取著丘公

去疾也不書奔者潰散而來將帥微也重發例者以

通叛而自來易以豉反著直居反徐直據反去起

○鄭子產作丘賦

丘十六井當出馬一匹牛三頭

今子產別賦其田如魯之田賦田賦在哀十一年

**註**丘十至一年○正義曰丘十六井當出馬一匹牛

三頭司馬法之文也服虔以為子產作丘賦者賦此

一丘之田使之出一馬三牛復古法耳丘賦之法不

行久矣今子產復修古法民以為貪故謗之案春秋

之世兵革數興鄭在晉楚之間尤當其劇止當重於

古不應廢古法也若往前不修此法豈得全無賦乎

故杜以為今子產於牛馬之外別賦其田如魯之田

賦田賦在哀十一年彼註云丘賦之法因其田財通

出馬一匹牛三頭今欲別其田及家財各為一賦故

言田賦然則此與彼同賦斂家資使出牛馬又別賦

其田使之出粟若今輸租更出馬一匹牛三頭是一

丘出兩丘之稅案周禮有夫征家征夫征謂出稅家

征謂出車徒給徭役此牛馬之屬則周禮之國人謗

家征也其夫征十一而稅是與家征別也

之**註**謗毀也曰其父死於路

**註**謂子國為尉氏所殺

已為蠶尾

**註**謂子產重賦毒害百姓

○蠶敕

以令於

國將若之何子寬以告

**註**子寬鄭大夫子產曰何

害苟利社稷死生以之

**註**以用也且吾聞為善者不

改其度故能有濟也民不可逞度不可改

詩曰禮義不愆何恤於人言

**註**逸詩子產自以為權

制濟國於禮義無愆吾不遷矣

**註**遷移也渾罕曰國

氏其先亡乎

**註**渾罕子寬○渾罕徐許但反

君子作法於

涼其敝猶貪

**註**涼薄也○涼音良

作法於貪敝將若

侯

也



之何言不可久行姬在列者在列國也蔡及曹

滕其先亡乎偏而無禮蔡偏楚曹滕偏宋鄭先衛

亡偏而無法偏晉楚姬在至衛亡正義曰渾

亡故遂博言諸國亡之先後杜據世本史記作世族

譜說諸國滅亡之年此下十一年楚滅蔡十三年蔡

復封春秋後二世十八年而楚滅蔡也哀八年宋滅

曹也滕以春秋後六世而齊滅之鄭在春秋後五世

九十年秦滅衛也據蔡之前亡則渾罕之言終亦驗矣

政不率法而制於心民各有心何上之有子產權

時救急渾罕譏之正道冬吳伐楚入棘櫟麻棘

櫟麻皆楚東鄙邑譙國鄆縣東北有棘亭汝陰新蔡

縣東北有櫟亭櫟力狄反徐又棘櫟至櫟亭

戈楚入此三邑知此三邑皆楚之東鄙故疑新蔡縣

東北有櫟亭者是此櫟亭也鄭有櫟邑者則河南陽

翟縣以報朱方之役朱方役在此年秋楚沈尹射

奔命於夏汭夏汭漢水曲入江今夏口也吳兵在

東北楚盛兵在東南以絕其後尹射食夜反又食

如銳反箴尹宜咎城鍾離宜咎本陳大夫襄二十

四年奔楚箴之林反遠啓疆城巢然丹城州來

然丹鄭穆公孫襄十九年奔楚遠于委反疆其東

國水不可以城彭生罷賴之師彭生楚大夫罷鬪

箴一作歲

韋龜城賴之師。○罷皮買反。徐甫綺反。○初穆子去叔孫氏及

庚宗。○成十六年，辟僑如之難奔齊，庚宗魯地。○難

反遇婦人，使私為食而宿焉，問其行，告之，故哭而送

之。○婦人聞而哭之。適齊，娶於國氏。○國氏，齊正卿

姜姓。○娶七生孟丙仲壬，夢天壓已弗勝。○穆子夢

也。○歷於甲反，又於顧而見人，黑而上僂。○上僂肩

僂。○僂，力主反。深目而豶喙。○口象豬。○豶音加。號

之曰：牛助余，乃勝之。旦而皆召其徒，無之。○徒從者

○號胡到反，一音戶。且曰：志之。○志，識也。○識申志

及宣伯奔齊饋之。○宣伯僑如，穆子之兄。成十六年

奔齊，穆子饋宣伯。○饋，求位。反餉也。宣伯曰：魯以先子之故

願之，久矣。○言兄始為亂已，則有今日之願，蓋忿言

○女音魯人召之，不告而歸。既立。○在齊生孟丙仲

壬，魯召之，立為卿。襄二年，始見經。○見賢遍反。下接見同。所宿

庚宗之婦人，獻以雉。○獻，穆子問其姓。○問有子否

○問其姓，女生對曰：余子長矣，能奉雉而從我矣。○

○曰，姓，謂子也。

襄二年，豎牛五六歲。○長丁丈反，下。同奉芳勇反。襄二至六

尔上

穆子還魯傳無歸歲襄二年始見於經疑是其年新還也成十六年傳云子叔聲伯使叔孫豹請逆于晉師於時豹猶在魯疑其因使而遂奔齊蓋自鄭過魯而去故得宿於庚宗成十六年出奔襄二年始還凡經五年故豎牛五六歲能奉雉也計豎牛至襄二年四歲也杜言五六歲者豎牛見穆子未必即以還年見之

召其徒使視之遂使為豎豎小臣也傳言從夢未

必吉唯維癸反徐以水反唯禮云父召無諾先

明知叔孫於齊公孫明齊大夫子明也與叔孫相

親知歸未逆國姜子明取之國姜孟仲母

取七住反又

如故怒其子長而後使逆之子孟丙仲壬故怒

之○正義曰怒者怒其妻也忿其母遂及其子田於

丘音由遂遇疾焉豎牛欲亂其室而

有之強與孟盟不可欲使從已孟不肯強其丈

事已強與盟者欲其與叔孫為孟鍾曰爾未際際

接也孟未與諸大夫相接見為于偽際接至

義曰釋詁云際接捷也郭璞曰捷謂相接續也大夫

將立適子必須接見同寮季武子立紇飲大夫酒是

其事也孟丙未與大夫交接故饗大夫以落之以

殺豬血釁鐘曰落

○釁許

說文云釁血祭也

以殺至日落○正義曰說文云釁血祭也

記釁廟之禮云雍人舉羊升屋自中中屋南面剖羊血流于前是釁祭之法以血澆落之知落之即是釁也

雜記又曰凡宗廟之器其名者成則釁之以殺豚是知以殺豬之血也

記稱宗廟之器成乃釁以殺豚此叔孫為孟作鐘非是宗廟之器亦釁之者周禮小

子職曰釁邦器及軍器鄭玄云邦器謂禮樂之器及祭器之屬此鐘是既具

饗禮具使豎牛請日

饗日

使豎牛○正義曰孟不自請使豎牛者內則云由命士以上父子皆異宮鄭玄云異宮者

樂敬也以其異宮故使豎牛入弗謁謁日也出命之日詐命

也及賓至聞鐘聲牛曰孟有北婦人之客

北婦人國姜也客謂公孫明怒將往牛止之賓出使拘而殺

諸外

殺孟丙

音俱

牛又強與仲盟不可仲與公御

萊書觀於公

萊書公卿士名仲與之私遊觀於公

宮○萊書音來人姓名觀古亂反註同又如字

公與之環

賜玉環使牛

入示之

示叔孫入不示出命佩之牛謂叔孫見仲

而何

而何如何○見賢遍反下及註杜洩見同

叔孫曰何為

牛言曰不見既自見矣

言仲已自往見公公與之環而佩之矣遂逐之奔齊疾急命召仲牛許而不召

杜洩見告之饑渴授之戈

杜洩叔孫氏宰也牛不食叔孫叔孫怒欲使杜洩殺之

而至又何去焉

言求食可得無為去豎牛蓋杜洩

力不能去設辭以免

註及下同

豎牛曰夫子疾病

不欲見人使寘饋于个而退

寘置也个東西廂

之豉反本或作奠个古賀反謂廂屋廂本作箱息羊反註云而何如何牛謂叔孫曰以仲見君何問何故以仲見君也叔孫怪其語故曰何為牛曰不將仲見君乎若不將見則既自見君矣言不待父命所以怒叔孫也大夫立子為適必自見之於君宣十四年申舟見犀而行定六年樂祁見瀾而行是其事也或曰豎牛謂叔孫曰今將仲見君其事如何叔孫以已見病故怪之曰何為以下同寘置至西廂正義曰禮置器物於地皆謂之置是寘為置也月令天子居左个右个是个為東西廂也

牛弗進則置虛命徹寫器令空示

若叔孫已食命去之

令力呈反

十二月癸丑叔孫不食

已卯卒

三日絕糧牛立昭子而相之

昭子豹之

庶子叔孫婣也

相息亮反婣敕畧反

公使杜洩葬叔孫豎牛

賂叔仲昭子與南遺

昭子叔仲帶也南遺季氏家

臣使惡杜洩於季孫而去之

憎洩不與已同

志

惡鳥路反

杜洩將以路葬且盡卿禮

路王所賜叔

孫車南遺謂季孫曰叔孫未乘路葬焉用之且冢卿

無路介卿以葬不亦左乎

冢卿謂季孫介次也左

不便

葬焉於虔反下將焉用同介音界左如字註同舊音佐便婢面反

季孫曰然使

杜洩舍路舍置也不可曰夫子受命

於朝而聘于王在襄二十四年夫子謂叔孫王思

舊勳而賜之路感其有禮以念其先人復命而致

之君豹不敢自乘君不敢逆王命而復賜之使三

官書之吾子為司徒實書名謂季孫也書名定位

號復扶又反夫子為司馬與工正書服謂叔孫也服

車服之器工正所書孟孫為司空以書勳勳功也

吾子至書勳○正義曰杜洩是叔孫家臣故稱已

君為夫子工正是司馬之屬官也季孟亦有屬官

共書其事但季孟身在不假言屬以叔孫已亡取屬

官為徵故兼言之所以司徒書名者周禮大司徒掌

十二教十有一曰以賢制爵十有二曰以庸制祿故

司徒書名定位號也司馬與工正書服者周禮夏官

司馬其屬有司士掌羣臣之政以德詔爵以功詔祿

工正雖不屬司馬掌作車服故與司馬書服也案周

禮司勳屬夏官今司空書勳者春秋今死而弗以是

棄君命也書在公府而弗以是廢三官也若命服生

弗敢服死又不以將焉用之乃使以葬季孫謀去中

軍豎牛曰夫子固欲去之誣叔孫以媚季孫

反誣叔至季孫○正義曰季孫因叔孫之弱欲

固欲去之是誣叔孫以媚季孫

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------	------------

